

Anabaptistarum, imprimis Campani, blasphemè affirmabant: Spiritum sanctum non esse ab eterno, sed cepisse demùm post glorificationem CHRISTI: abusi loco Ioh. 7, 39, Nondum erat Spiritus sanctus, quia Iesus nondum erat glorificatus.

111. VIII. His annumeramus Græcos & Armenios recentiores orientales, quorum aliqui contra Latine Ecclesie Confessionem pugnant, Spiritum sanctum non procedere à Filio, sed à solo patre: alij verò, eundem dicebant procedere à Patre, per Filium.

112. Ad eandem classem referimus etiam quosvis alios, tam veteres, quàm recentes hereses, circa Articuli huius Veritatem quocunq; modo errantes: ut Ebionis, Cerinthi, Carpocratæ, Aetij, Artemonis, Hermogenis, Noeti, Praxeæ, Sabellij, Photini, Tritheitarum, Priscillianistarum, Gnosticorum, Secundinianorum, Appellitarum, Novorum Arianorum &c.

113. Inprimis verò Sacramentariorum quorundam petulantiam, hoc loco haud immeritò damnamus, qui eò blasphemie progressi, DEVM universa sua omnipotentia non posse efficere, blasphemè scriptitant, ut corpus aliquod naturale in duobus vel pluribus locis esse possit.

Oecolamp.